

yello's
MUSIC LOUNGE BAR

On daviert uni
mierculdi, juebia,
venerdì y sada
dala 20:00
ala 2 daduman.

Unide a Ve devertit!

Selva, strada Meisules 244
tel. 0471 795255, www.yellosbar.com

LA USC DI LADINS

Poste Italiane SpA - Spedizione
in Abbonamento Postale - D.L.
353/2003 (conv. in L. 27/02/2004
n. 46) art. 1, comma 1, DCB
Bolzano - Taxe Perdue P -
Tassa pagata - Ordinaria
Prezzo singolo 1,50 Euro

PLATA DLA UNION GENERELA DI LADINS DLA DOLOMITES
39046 Urtijei (BZ), Senta dla Cesa di Ladins, strada Rezia 83

Nr. 26/2010 - 10 de messel 2010

STIMA: 0358
SERVIZIO MINORNAZE LINGUIST. POTRICH MARCO
VIA GAZZOLETTI, 2
38100 TRENTO (TN)

Redazione: tel. 0471/797199
fax 0471/797384,
e-mail: info@lauscdiladins.com
www.lauscdiladins.com

LA USC
DI LADINS

**TOL 3,
PAIA 2!**

33,3333...% de sconto
sun duc i inserac
che vegn prenotés ti meis
de jugn, messel y agost

Dit autramenter:
fajan 3 inserac
n giates 1 gratis

Informazioni:
Agenzia de reclam **PENTAGON**
Tel. 0471 790052
usc@pentagon.it

Resciesa 13

Ferata

I lèures pra la ferata de Resciesa va
inant bèn, ma l ne sarà sèn de
lugio mo nia mesun inauguré
coche preudù l mplant portamont
nuef. N messerà bonamenter
sburdù la giaurida al mès d'agost
che vèn.

Natura 14

Smueies

Do l gran ciat di ultimi dis nce te
nosc luesc da mont, iel uni docà
de gran temporei che à gauja
smueies te Selva y a S. Cristina.

Val Badia 16

Cultura da munt

Intervista cun Gaby Irsara da
Antermeia, presidenta d'union
"Cultura da Munt".

San Martin 17

Zënza ères

Critiches al ombolt da San Martin
Heinz Videsott por la junta zënza
ères. Ci nen dijel pa?

Al Plan 19

Orcena

Canche la cortina devènta n post
da fà pic-nic.

Fascia 20

La ferata di 4 amisc

Sun Bufaure l'é stat enaudà na
neva via ferata voluda da Stefano
Zulian Cuz e dedichèda a Alex,
Diego, Erwin e Luca.

Julon 27

Campion talian

Anton Moroder jola al prim post.
Nstadi se à abinà l'elite di piloc de
julon per i Campiunac Taliani de
julè cun i julon. Danter chisc nce
Anton Moroder de Urtijei y Alex
Ploner de San Ciascian (campion
mundiel 2009).

Sport 30

Maratona

Spetacul danter les Dolomites,
cun l'ambria di doping.

Dì dla unité ladina te Fascia

Ai 14 de messel, en ocajon dla pruma senteda dl Comun General de Fascia, met a jì la Union
Generela y la Union di ladins de Fascia na scontreda sun les prospetives per l'autonomia di
ladins



Reprezentanc ladins con les bandieres entourvìa l monument di Ladins sun Salei.

Ai 14 de messel él n di storich
per i ladins, che apontin chel di
dl 1946 se binòvei sun jouf de Sela
de passa 3000, ruvés da dutes les
valedes, per di adaut che ai ne vuel
nia vegnì despartis y che ai vuel
jì inant adum. 50 agn plu tert, ai
14 de messel dl 1996, reclamova
l popul ladin ciamò sun Sela la
vueia de jì "Inant Adum". Da
enlaouta é l 14 de messel vegnù
declaré "di dla unité ladina".

Chest an sarà i 14 de messel na
data storica ciamò de plu per la

comunanza de Fascia, ajache en
mercu vegnirà cherdé ite la
pruma enconteda ofiziala dl nuef
Comun General de Fascia: la
procuradoura Cristina Donei à
cernù chesta data apontin per sie
gran valour simbolic per i ladins.

Scialdi en ocajon dla pruma
senteda ofiziala dl Comun General,
vegnirà chest ann l di dla unité
ladina recordé te Fascia.

Da les 17.30 vegnirà endrezé
tla senta dl Comun General (bele

Comprenjore) a Poza na scontreda
de reflexion sun l tem "Inant
Adum. Prospetives per l'autonomia
ladina en ocajon dla pruma
senteda dl Comun General de
Fascia". A porté dant si intervenc
sarà Marco Pizzinini, Ivan Lezuo
y Antone Polam. Al vegnirà porté
dant l salut dles autoritès y do
sarà l buffet tl Museo Ladin de
Fascia.

Da les 20.30 sarà dapò la pruma
senteda ofiziala dl Comun General
de Fascia.

LA STÙA DE MICHEL

CHÏT

7, 14, 21, 28 de lugio
dales 19.00 inant

tel. +39 0471 831.000
www.hotel-laperia.it

Comentar de pruma

Senza paroles

Da l'agenzia ANSA da dant trei
dis:

<L "superscudo" per premier y
ministri ne fova nia na idea
personala de n senatour singul.
Sen él la ligna dl Pdl, che s'à
pronunzié al Senat a sie ben
damanan che al gnissa prevedù
tl lodo Alfano costituzional nuef,
en discusion a Palazzo Madama.
L "arat condizioné" dla comiscion
Giustizia, scrit dal president
Filippo Berselli (l medem che
ova dant valch dis proponù la
proposta) damana che l'ombrela
anti-prozesc preveduda dal lodo
Alfano devente plu lergia, a na
moda da i evitè al president dl
consei y a sia scudra ence i
prozedimenc per reac cometus
dant la nomina. Tl dessen de lege
é l "superscudo" prevedù me per
l president dla Republica, ma
aldò dla comiscion él da stene
fora a dutes les inciariés autes dl
Stat, premier y ministri laprò.
En realtà ne se trätel nience, aldò
Berselli, de na estenjon dreta y
veira, ma plu de na corezion de
na desmentianza: ajache l
salvament per i vedli reac fova
prevedù ence tl vedl lodo Alfano,
chel refodé da la Cort ajache al
ne ova nia gre de lege
costituzionala, y sce al né nia
passé dal vedl test a chel nuef él
ajache "an s'à desmentì da l re-
inseri".

Müsa a scüsa

N te' isté n'unse bëgn mai vit! Do
i pröms chinesc dé de jügn cun
tèmp mol y frèit él gnü i dis cialé
che dōra dōtaurela. Les nōts é
plü co ater frēsches y conzed da
dormi zënza de gragn tormēnc.
Ci bel isté! Al scialda sō natōra y
jēnt. Ma che sēgn él bele indō
problems: l'isté pé bele por trōc
massa cialt y spere. "Al oress ester
plōia!", āldon baian. "Insciō ne
crēscel bëgn no fonguns!" Le
tēmp n'ā mai na müsa a scüsa,
tan da parentē... O n'él nia forsc
ma n ater problem? La müsa che
le tēmp fej ne me scüsa nia, a mé!
Magari vēighi y sēnti iō ma damat:
sce i ā sorēdl daite, spo él pō dōt
incēr me ia che va bun: plōia,
néores, ergobandi... y incē i
fonguns che ne crēsc nia ne me
sta nia sōl magun!

va inant a plata 2